

Julig ar ververo

Me gave din, gwech dimezet,
 Julig ar ververo,
N'em-mije greet netra ebed,
 Juliver tonti, juliver tonton,
 Julig ar ververo,
 Daoulagad a skuill daelo...

Padal e rankan ober toud,
 Aoza krampouez ha frita yod.

Ar pez a gavan gwasoh hoaz
 Eo pilad lann gand va zreid noaz.

Dimezet on d'eun ever gwin,
 A ya d'an davarn beb mintin.

Ar gwin a ev leiz e werenn
 N'eo ket gwin ruz, med gwin melen.

D'an davarn e ya mintin mad,
 D'ar gêr e teu gwall ziwezad.

Neuze komañs al langachou,
 Ar malloziou, ar bahadou.

Ne glevan ken nemed : « Kerz kuit !
 An ti zo din, ar mês zo dit ! »

An-dud yaouank, pa zimezont,
 Ne ouzont ket petra reont !

C'hwi, tud yaouank, dizimez hoaz,
 'Raog dimezi, grit mad ho choaz !

(Kanoouenn euz Bro-Dreger.)



ME ZO GANET E-KREIZ AR MOR

(E brezoneg Bro-Wened)

Me zo ganet e-kreiz er mor,
 Têr leo er-mêz;
 Eun tiig gwenn du-hont em-ès,
 Er benal gresk é-tal en nor
 Hag el lann-e hol an anvez.
 Me zo ganet é-kreiz er mor
 E bro Arvor.

Me zad e oé, èl e dadeu,
 Ur martolod;
 Bévet en-dès, kuh ha diglod —
 — Er peur ne gan den e gloedeu —
 Bamdé-bamnoz ar er mor blot
 Me zad oé, èl é dadeu
 Stleijour-rouédeu.

Me mamm eùe e laboura
 — Ha gwenn hé bleu —
 Geti, en hvéz ar on taleu,
 Disket em-ès, biannig-tra,
 Médein ha tennein avaleu.
 Me mamm eùe a laboura
 D'honid bara...

Yann-Ber KALLOH-BLEIMOR.

(Kanet war an disk « Mouez Breiz » N° 4568
 gand Eliane PRONOST.)



BINVIOU SONEREZ

A. LAURENCEAU

LANIG